

PLEIAS GRATULATORIA,

Votis Nuptialibus

VIRI

SPECTABILIS atq; PRUDENTISSIMI

DN. JOHANNIS ZERNEKE,

Scabini apud Thorunienses Suburbani,
& Mercatoris celeberrimi,

ac

Virginis sexus sui virtutibus

ORNATISSIMÆ LECTISSIMÆ QUE

ANNAE ELISABE- THE NOGGIAE

VIRI

NOBILIS atq; AMPLISSIMI, DOMINI

JOHANNIS NOGGII,

Consulis & Camerarii in Civitate Regiâ Thoruniensi
gravissimi meritissimique,

FILIÆ Dilectissimæ,

d. x. Septembr. M. D. CCIX.

devote celebratis

boni omnis ergo erecta

a

THOMA LINCKIO, SS. Theol. Stud.

THORUNII,

Impressit JOANNES LUD. NICOLAI, Nob. SENATUS ET GYMNAS.
TYPOGRAPHUS.



Ui sedulò per fluctis onum mare
Lucri Instidores curritis impigri,
Gaudete, onusta merce navis
Littora tangit amœna primum.

Non puppis ejus fulget Apolline
Aurato adunca, aut effigie sacrâ
DEUM; sed ANNÆ ELISABETHÆ
NOGGIÆ habet ratis illa signum.

Miraris? en! Jessæ sapiens nepos (a)
Vivis colorum peniculis pio
Sub nomine uxoris pudicæ
Perpoliit NEONYMPHAM amicè:
Cordata conjux est similis, canit, (b)
Navi Institoris, quæ, penetrans sinus
Orbis calenteis, inde merces
Advehit eximias subinde,
Nam sic & Uxor non minus optimè
Prius paratas viribus omnibus
Opes magis magisque largis
Amplificare opibus laborat.

Talis TUUM nunc dum quoque contigit,
ZERNEKE, portum, mercibus inclytis
Impleta virtutum ac bonorum
Navis, an exulet hinc voluptas?
Absit! recenti quin modò nuperum
Vincis dolorem lætitia, TUI
Nos gaudii cum gente sanctâ
Participes faciens piorum.

Invi-

(a) Prov. XXXI, 14. (b) conf. hic omnino Fried. Taubmanni.
Columb. Poët. pag. 156. 157.

Invisâ res ut nautica vita sit (*c*)
Turbæ Ethnicorum, cui fuerat nefas,
Concredere imbecilliori
 Navigio bona, sive corpus;
Expers pericli TU placido petis
 Cursu ratem, quæ tam lepidam vehit
 SPONSAM, á Magistro navis emptam
 Et gemitu & precibus sacratis,
In hunc quòd à TE jacta spei anchora
Est, SPONSE, tutum à naufragio quoque
 Præstabit ille fata navis,
 Plena DEI benedictione.
Sint ergò nautis sidera nuncii
Sortis futuræ, (*d*) non ea TE movent
 Quicquam tamen, VIR AMPLE, Numen
 Sidera cum regat ipsa celsum,
Felicius quod surrogat hac die
 Bonī omnis fidus TIBI ab ætheris
 Fulgentis axe, dona spirans
 Corporis atque animi benigna.
Commendet idcirco Aonius chorus
Infausta septem sidera Plejadum,
 Primæque navigationis
 Indicum, pluviosa nautis; (*e*)
Hic gloriari seu potius TIBI,
Seu gratulari de Pleidum licet
 Præstantiâ majore nobis,
 Indice cœliferi favoris,

Æter-

(c) Dieter. Analy. Evang. Domin. Part. I. Dom. IV. post Epiph. Membr. I.
Observ. 2. pag. 236. 237. (d) Balduin. Cas. Conscient. lib. 3.
Cap. 6. cas. 2. pag. 780. scqq. (e) Balduin. l. c.

Æterna Olympi templa colens DEUS
Et lucido astrorum in solio sedens
Amplectitur quo corde toto

Teque domumque tuam libenter.

Is navis ad clavum sedeat TUÆ
Posthac frequenter, monstra marinaque
Adversitatum ac jurgiorum,

Insidiosa rati, repellat,

Ut prima res hæc nautica prospero

Vento feratur, nescia sideris

Pluentis; aura sed serena

Hanc comitetur ubique navem

Summi JEHOVÆ lux Cynosura sit,

Custodiens VOS à scopolis malis,

Quò septiformi (f) gaudeatis

Munere sortis amicioris,

Marita prolis merce novâ & bect

Dulcem maritum, crescat ut indies

ZERNEKIANO-NOGGIANA

Secula progenies in ampla.

Navis, [quod absit!] si fuerit gravi

Disjecta ventorum rabie, illico

Sedare Rector pergit illam

Omnipotente manu supremus.

Hæc servet ipsam rebus in asperis

Adversus insultus rapidos nigri

Piratæ, opere ejus vela solvens

Littora quò petat alma felix.

(f) i. e. perfecto; septenarius enim perfectionis est numerus in Scriptura, probantibus id ex multis B. D. Joh. Bened. Carpzov. Conc. funeb. Tom. I. pag. 926. seqq. & Erotem. Evang. Part. 2. pag. 697. 698. 699. nec non D. Sam. Bened. Carpzov. Off. Virid. pag. 717. seqq. & utriusque Parente B. D. Job. Bened. Carpzov. Fast. Myrrb. pag. 174. seqq.